



Publicaziuns dalla vischnaunca, jamna 28

Damonda da baghegiar

Datum da publicaziun: ils 13 da fenadur 2012

Nr. 2012-1048

Ils patrons: Céline e Patrick Olivier Brenner-Rey, Neugasse 136, 8005 Zürich

Il representant: Biro d'architectura Gujan e Pally, Via Lucmagn 19, 7184 Curaglia

Object: Casa da vacanzas, parcella 3000, Via Villars 6, 7186 Segnas

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 11-7-2012

Uffeci da baghegiar Disentis/Mustér

Cuminonza da maschinas forestalas Cadi

Dacuort ei la Cuminonza da maschinas forestalas (CMF) Cadi vegnida fundada. Ei settracta d'ina cuminonza tenor il dretg public cun la finamira da realisar ina stretga ed intensiva collaboraziun sil sector dallas maschinas forestalas denter las treis vischnauncas da Trun, Sumvitg e Mustér. La fundaziun sebase sils conclus dallas istanzas cumpetentas ellas treis vischnauncas. Quei niev construct lubescha da tgamunar ils menaschis forestals tenor criteris economic e senza influenzas politicas.

La radunonza da fundaziun ha priu tuts conclus necessaris per che la nova instituziun sappi immediamein entscheiver cun sia activitad. Primarmein ein ils statuts vegni ratificai. La versiun ufficiala dalla nova instituziun secloma «Cuminonza da maschinasforestalas (CMF) Cadi». El medem mument ei era il reglament da menaschi vegnius approbaus. Il cussegl d'administraziun secumpona da gerau Dumeni Tomaschett (Trun) sco president, gerau Giusep Bearth (Sumvitg) sco vicepresidente e gerau Madlen Deflorin-Spescha (Mustér) sco actuara.

Al cussegl da menaschi appartegnan ils foresters comunals Simon Cathomen, Mustér, Flurin Cathomas, Sumvitg, e Mattias Cadruvi, Trun. Cun la direcziun operativa dil menaschi vegn Flurin Cathomas, Sumvitg, incaricaus. Substitut daventa Simon Cathomen.

L'administraziun surpren l'administraziun communal Sumvitg. La maschina forestala ei empustada e vegn furnida el decuors digl atun 2012.

Suprastonza communal

Lavurs da manteniment durant la notg

Muort lavurs urgentas da manteniment vid ils binaris dil trasse dalla viafier Matterhorn Gotthard vegn ei luvrau durant las suandontas notgs sin il territori dalla vischnaunca da Mustér:

Las notgs: **dils 23 da fenadur tochen ils 4 d'uost**
dils 13 tochen ils 31 d'uost

Ei vegn dau breigia da reducir las emissiuns da canera sin in minimum. Per Vossa capientscha engrazia la viafier Matterhorn Gotthard gia ordavon. Per ulteriur sclariment stat Guido Monn, menader d'infrastructura Ursera/Surselva, bugen a Vossa disposiziun.

Administraziun communal Disentis/Mustér



**Pumpiers Sursassiala
Incorporaziun 2013**

Persunas che giavischan da prestar survetsch da pumpiers naven dil december 2012 ein supplicadas da s'annunziar entochen ils **31 da fenadur 2012** al comando da pumpiers. Adressa: Pumpiers Sursassiala, Via Salez 11, 7186 Segnas ni era per mail ad info@pumpiers.ch.

Uniun samaritana Mustér

L'acziun da spender saung per donaturas e donaturs dallas vischnaucas da Medel e Mustér ha liug:

**Gliendisdis, ils 23 da fenadur 2012
dallas 18.00–20.00 en halla Cons.**

Nus engraziein grondamein per quei bien survetsch en favur da malsauns e disgraziai e sperein ad ina stedia participaziun.

Cordial beinvegni
Uniun samaritana Mustér

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:
Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Adatg: Ils meins fenadur ed uost ei la ludoteca aviarta mo il gliendisdis ed il venderdis dallas 18.30–20.00. La gievgia suentermiezdi resta la ludoteca serrada durant ils meins da fenadur ed uost.

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Temps d'avertura durant la stad: Cun l'entschatta fenadur tochen l'entschatta da scola, ils 20 d'uost 2012:

gliendisdis e venderdis 18.30–20.00

Biblioteca populara Mustér